



Do aber peder hei gieng vñ esopus xantus nach folget füget sich dz xantus gieng bruntzer. Do esopus ersach. ergryff er xantū by dē mantel vñ sprach. Mein herte es sei dā das du mich gar bald verkauffest so fleuch ich bald vō dyr. Warumb sprach xantus. Esopus. darumb das ich keynē solichen herren gedienē mag. xantus sprach wie ist dem. Esopus das du eyn herz bist vñd last der natur kein ruw. sunder harnest du geend. Ich merck wol. ob ich in deinen dinsten gesandt wer. vñd wurde mit not den tuch zū reinigen. ich muste das auch geend oder villicht lauffend thun. xantus sprach. du solt dich vmb dise sach mit beküern. sunder reck dem oren zū dē das ich dir sagen wil. Dar vñ das ich dreyerley vngemachs vermitte. so hab ich geend geharnet. Das erst dz die hitz der sonnē so es eben mittag ist dē haubet nicht schade brecht. Das ander das der harn meyne fuß mit brennet. Das drit das mit der geschmack des harnes mit in die nasen tuch die dzy vngemach habe ich alle vermitten so ich gehen hab geharnet. Do sprach esopus mich benuger wol an deiner antwort. furbas als sy zū hauf kamend. do sprach xantus. Esope belibe du hpe vor ston eyn weil vntz das ich hin eyn gang vñd vor mit mimem weib vō dir red. esopus sprach ge himeyn ich heb dich mit xantus ging i der frauen zimmer vñd sprach zū sinem wibe. fraw du wiest nū furbas mit mer myt mir zannē vñd kriegē das ich alwege dine knaben brauch. Nim wac ich hab dir so eynen schönen knaben erkauffet das du lustigers nie hast gesehen. Do das der frauen dienerin erhotten meinttent sy es wer war wie der her gesagt het vñd wurden vnder eynāder hadern. Eyne sprach mei herz hat mir ei mā erkauffet. Die ander sprach fur war mir hat heimt getrōmet man hab mich vermahelt die weil die dirnē also vnder eiander.